


18
19
20
21
22
23
24
25
26
27
28
29
30
31
32
33
34
35
36
37
38
39
40
41
42

吉 392
724



三才圖會原本

三才圖會原本

蘇頌香巢藏本



書
號
函 1 册
登錄號 91752

Р-1799-31. (ФРАКТОР)
ГОУДАРСТВЕННАЯ НАУЧНО-ИССЛЕДОВАТЕЛЬСКАЯ БИБЛИОТЕКА
ВУЗЪ ИЗИИР ЦЗЕ, 1
ПЕРНИ 7/КИТАЙ
ИР.
О П Р А В Л Е Н И Е
МЕЖДУНАРОДНОГО ПОСЛАНИЯ И О С К Р



ИЗДАНИЕ

三才圖會原本

香巢藏板


花隱





香泉藏


自泉貨之術行而歷朝之通變
不同今人生百世後而欲知其錢
係某地某書所出非有載籍以稽
之則茫無所憑然簡編繁重又
慮其玩索而難則便覽之本亦
在所必需也按此本在三才圖會



中錄出近時風尚賞鑒家均置采
古錢而市儈又淫而售其偽思杜
至弊此詳玩錢譜不能而有錢譜
者則又秘秘由宣余家蓄藏此本
因友人借閱者眾遂屬內子抄校
訂而付之梓庶幾開卷即是携便

每車或亦為藝林好事者之一
助云可至於掛漏之譏則前人任之
余無過焉惟願見是編者但鑒其
古香白襲其銅臭親之如兄固不可
賤之如虜亦不必也則玩物也而進乎
道矣

道光癸巳菊有黃華之月新安小
 循仙蓮青氏錢序



便覽寶泉誌

新安小謫仙手訂

福登三十六峰女史



歷代品

虞 錢 夏 錢 商 錢



史記平準書曰虞夏之幣金爲三品或黃或

白或赤或錢或布或刀或龜貝



管子曰禹五年水民之無檀賣子者禹以歷

山之金鑄幣以贖之



管子曰湯七年旱民之無檀賣子者湯以莊

山之金鑄幣贖之



周錢



前漢食貨志曰太公為周立九府圜法錢圜

函方輕重以銖



景王錢




國語曰景王二十一年將鑄大錢單穆公曰

不可王弗聽卒鑄之



齊錢



前漢食貨志曰太公為周立九府圜法退又
行之于齊至管仲相桓公通輕重之權遂顯

伯功



晉錢



呂氏春秋曰趙宣孟見駢桑之下有餓人下

車為之食與錢百而遣去之



楚錢



史記循吏傳曰孫叔敖為楚相莊王以為幣
輕更以小為大百姓不便相言之王復如故

王許之



趙錢



史記蘇秦傳曰秦自趙之燕貸人百錢為資

秦半兩錢 蒺錢



前漢食貨志曰秦兼天下銅錢質如周錢文

曰半兩重如其文



史記平準書曰漢興更鑄錢孝文時蒺錢益

輕



八銖錢 四銖錢 三銖錢



前漢高后紀曰二年行八銖錢 顧烜曰高

后時既患蒺錢之輕又苦秦錢之重乃更鑄

八銖錢



前漢文帝紀曰五年夏四月除盜鑄令更造

四銖錢



前漢武帝紀曰建元元年春二月行三銖錢

半兩錢五銖錢鍾官赤側錢



前漢武帝紀曰建元五年罷三銖錢行半兩錢



前漢武帝紀曰元狩五年罷半兩錢行五銖錢



史記平準書曰武帝鑄五銖錢郡國多姦鑄錢錢多輕而公卿請令京師鑄鍾官赤側一當五

三官錢



史記平準書曰武帝鑄鍾官赤側錢用之不便專令上林三官鑄錢令天下非三官錢不得行

四出文錢



靈帝紀曰中平三年鑄四出文錢 獻帝春秋曰靈帝作角

錢錢猶五銖而有四道連於邊輪識者以為妖徵

直百錢



顧烜曰漢獻帝建安十九年劉備鑄

直百

五銖錢



隋書食貨志曰梁武帝鑄五銖女錢二品並行百姓或私以

古錢交易有直百五銖 顧烜曰徑一寸一分重八銖文曰

五銖直百

傳形

五銖



顧烜曰劉備鑄直百錢傳形五銖今所謂蜀

錢

錢即傳形五銖也

一當

五百



吳志曰孫權嘉禾五年春鑄大錢一當五百

錢

當

千

錢



吳志曰孫權赤烏元年鑄當千大銖 江表傳孫權赤烏九年詔曰謝宏往日陳鑄大錢云以廣貨故聽之今聞民意不便其省息之鑄為器物勿復出也

四銖錢



宋書文帝紀曰元嘉七年冬十月戊午立錢署鑄四銖錢

當兩

大錢



宋書文帝紀曰元嘉二十四年六月詔直省

制大錢一當兩明年五月己卯罷

孝建錢




宋書世祖紀曰孝建元年春正月壬戌更鑄四銖錢 顏峻傳曰世祖即位鑄孝建四銖

二銖錢 景和 錢 鵝眼 錢



宋書前廢帝紀曰永光元年春二月庚寅鑄二銖錢三月甲辰罷



顧烜曰宋中廢帝景和元年鑄二銖文曰景和其年還用古錢



顧烜曰宋中廢帝景和元年鑄大如鵝眼樣謂鵝眼錢以綫貫之投水中不沉隨手碎壞不可料數

五銖錢



隋書食貨志曰梁初武帝鑄錢肉好周郭文曰五銖重如其文

公式女錢



隋書食貨志曰梁武帝又別鑄五銖除其肉郭謂之女錢

五銖鐵錢



梁書武帝紀曰普通四年冬十二月戊午始鑄鐵錢

大 吉 錢 大 通 錢 大 富 錢



顧烜曰普通四年鑄大吉鐵錢大小輕重如
銖文曰五銖大吉背文四出十二



顧烜曰普通四年鑄大通鐵錢大小輕重如

五銖文曰五銖大通背文四出



顧烜曰普通四年鑄大富鐵錢大小輕重如
五銖文曰大富五銖背文四出

當 十 錢 四 柱 錢 五 銖 錢



北史姚僧垣傳曰梁元帝時初鑄錢一當十

賜僧垣十萬貫實百萬也

梁書敬帝紀曰太平二年夏四月己卯鑄四

銖錢一准二十壬辰改一准十丙申復閉細

錢

陳書文帝紀曰天嘉三年閏二月甲子改鑄

五銖錢 隋書食貨志曰初出一當鵝眼之

十

大貨

六銖

錢



陳書宣帝紀曰太建十一年秋七月辛卯初用大貨六銖錢

太和

五銖

錢



後魏食貨志曰高祖始詔天下用錢十九年公鑄粗備文曰太和五銖

永安

五銖

錢



後魏食貨志曰孝莊永安二年秋詔改鑄文曰永安五銖

永安

土字

錢



面文永安五銖篆文有一土字徑九分重五銖四參銅色純赤輪潤皆夷計後魏所鑄

五銖

錢



北史西魏文帝大統六年二月鑄五銖錢十二年三月鑄五銖錢 舊譜曰以赤銅鑄

永安

五銖

錢



隋書曰齊承魏用體制漸別有雍州青赤梁州生厚緊錢吉錢河陽生澀天柱赤牽之稱

常平

五銖

錢



北史齊文宣帝紀曰天保四年春正月己丑

鑄新錢文曰常平五銖

布

泉

錢

大

布

錢



後周書武帝紀曰保定元年秋七月更鑄錢
文曰布泉以一當五與五銖並行建德五年

春正月廢

後周書武帝紀曰建德三年六月壬子更鑄

五行大布錢以一當十與布泉並行四年秋

七月己未禁不得出入關布泉聽入而不出

永通

萬國

錢



後周書宣帝紀曰大象元年十一月丁巳初

鑄永通萬國錢以一當十與五行大布並行

隋書食貨志曰高祖受周禪以天下錢貨輕

重不等乃更鑄新錢背面肉好皆有周郭文

曰五銖如其文每一千重四斤二兩

白



開

元

錢



新唐書食貨志曰高祖入長安民間行綫環錢其製輕小凡八九萬纔滿半斛武德四年鑄開元通寶徑八分重二銖四參積十錢重一兩

乾

封

錢



新唐食貨志曰乾封元年改鑄乾封泉寶錢

徑寸重二銖六分以一當舊錢之十

乾元

唐書食貨志曰肅宗乾元年經費不給鑄錢

十當



使第五琦鑄乾元重寶錢徑一寸每緡重十

錢

斤以一當十亦號元十當錢

重

重

唐書食貨志曰第五琦復命絳州諸鑪鑄重

輪乾元



輪乾元錢徑一寸二分其文亦曰乾元重寶

背之外郭重輪每緡重十二斤一當五十

小乾

重

乾元

金光襲曰乾元二年新鑄小錢一當一

元錢

寶

大


曆

錢



張台曰大曆是代宗年號計此時所鑄

開元通寶
大錢



徑寸二分重十二銖六參

建中錢



唐書食貨志曰建中初韓洄請復洛源廢監起十鑪鑄錢江淮多鉛錫錢判度支趙贊採蓮州白銅鑄大錢一當千以權輕重

元	開	新
藍	京	京
襄	洛	洛
荆	昌	昌
越	益	益
渾	宣	宣
充	洪	洪

錢潤



鄂



平



興




丹




口




文




廣




梓



福



楊



唐書食貨志曰武帝許諸道皆得置錢坊淮南節度使李紳

請天下以州名鑄錢京師為京錢大小徑十如開元通寶

咸通錢天錢成天福錢



舊譜曰唐咸通十一年桂陽監鑄錢官王彤

進新鑄錢文曰咸通元寶尋有勅停廢不行

宋白續通典曰天咸元年十二月勅中外所

使銅錢內鐵鑄錢即宜毀弃不得行使二年


八月禁銷銅錢四年禁鐵鑄錢

又曰晉天福三年鑄錢以天福元寶為文左

環讀之委監鐵司鑄樣頒下諸道令每一錢

重二銖四參十錢重一兩

項梁錢



楚漢春秋曰項梁陰發死士九十人參木者

所欲計謀也木佯疾於室中鑄大錢

吳王

漢錢



前漢吳王濞傳曰吳有豫章郡銅山即招致

天下亡命者盜鑄錢


前漢鄧通傳曰文帝賜通蜀嚴道銅山得自

鄧通錢



鑄錢鄧氏錢布天下

大錢



漢書食貨志曰王莽居攝變漢制更造大錢
徑寸二分重十二銖文曰大錢五十

小錢



前漢食貨志曰王莽作錢布之品名曰寶貨小錢徑六分重
一銖文曰小錢直一
次七分三銖曰云錢一十次八分五銖
曰幼錢二十次九分七銖曰中錢三十次一寸九銖曰壯錢
四十因前大錢五十是為錢貨六品直各如其面文皆周郭
做漢五銖錢

貨泉



前漢書食貨志曰王莽天鳳元年罷大小錢
改作貨泉徑一寸重五銖文右曰貨左曰泉
枚直一

鐵錢



後漢書公孫述傳曰述廢銅錢置鐵官以鑄
錢

小錢



後漢書獻帝紀曰初平元年董卓壞五銖錢
更鑄小錢


沈郎錢河陽錢得壹錢



晉書食貨志曰吳興沈充鑄小錢謂之沈郎錢此錢見於余姻處俞子仙先生云太公九府也未知孰是



邱悅三國典略曰王則除洛州刺史取太原佛像毀以鑄錢世號河陽錢



唐書食貨志曰史思明據東都鑄得壹元寶錢徑寸四分以一當開元通寶之百


順天錢



曰史思明惡得壹非長久之兆改其文曰順


天元寶

永通泉貨




五代史南唐世家曰李景困于用兵鍾謨請鑄大錢以一當十文曰永通泉貨

唐國錢大錢唐平錢



十國紀年唐史曰元宗以周師南伐歲貢方物府藏空竭錢貨益少遂鑄唐國通寶錢二當開元錢一



馬令南唐書曰元宗鑄大唐通寶錢與唐國錢通用數年漸弊百姓盜鑄極為輕小



五代史前蜀世家曰王建武成三年十二月大赦改明年元為永平

通正錢天漢錢光元錢



五代史前蜀世家曰王建永平五年改元通正




五代史前蜀世家曰王建通正元年十月大赦改明年元曰天漢國號漢



五代史前蜀世家曰王建天漢元年十二月大赦改明年元曰光元


乾德錢成康廣政錢



五代史前蜀世家曰王建卒子衍立明年改元乾德



五代史前蜀世家曰王衍乾德七年改元曰成康




五代史後蜀世家曰孟昶明德五年改元曰廣政


鐵錢乾亨鉛錢



一十國紀年後蜀史廣政二十五年以屯戍既廣調度不足始鑄鐵錢



五代史南漢世家曰梁貞明三年劉龔即位國號大越改元曰乾亨



十國紀年漢史曰劉龔以國用不足鑄鉛錢十當銅錢一乾和後多聚銅錢城內用鉛城外用銅禁其出入犯者抵死俸祿非特恩不給銅錢

乾封錢



五代史楚世家曰高郁諷馬殷鑄鉛鐵錢

以十當銅錢一

五代史楚世家曰馬殷請依唐太宗故事

天策錢



開天策府梁太祖拜殷天策上將軍

鉛



十國紀年閩史曰王審知為閩王梁貞明

元年澄州寧化縣出鉛置鉛場二年鑄鉛

錢與銅錢並行

陶岳貨泉錄曰王審知鑄大鐵錢濶寸餘

甚麤重亦以開元通寶為文仍以五百文

為貫

鐵錢



永隆錢



五代史闕世家曰王延羲立改元永隆鑄

大鐵錢以一當十 十國紀年闕世家曰

王延羲永隆四年八月鑄永隆通寶大鐵

錢一當鉛錢百

天德錢



十國紀年闕史曰王延政天德二年鑄天

德通寶大鐵錢一當百

太平

興國



董道曰張台云馮洪所鑄


五代史雜傳曰劉二恭合燕人用僅土為錢

悉歛銅錢鑿山而藏之已而殺工以滅口後

人皆莫知其處

董道曰幽州劉守光鑄錢面文曰應天元寶

土錢



應天錢



背文曰萬

平當錢 四出錢



徑九分重三銖肉郭夷坦當字湮漫或云漢

代所鑄

徑寸一分重三銖六參面背文皆四出字盡

漫昧六泉五十本王莽所鑄初無四出之請

又有背文爲北斗七星者

大泉

五銖

錢

雙五

五銖

錢

大泉

錢

錢



顧烜曰七種異錢有大泉五銖張台曰在顧

氏所見七種異錢之內大小輕重未聞



徑八分重二銖四參五字連綴肉郭品面文



左右

五銖

錢



按此錢形製窳薄面文曰五銖肉漫好濶僅有輪郭背文亦曰五銖肉郭夷坦倒置其字徑寸重二銖三參又一品面文曰五銖幕文以五銖字上下之徑七分重二銖四參余按五銖沿漢迄隋因革不一品目尤夥文四出謂之角錢去肉郭謂之女錢狹小其制謂之稚錢三面無郭謂之白錢有反其文名傳形者有輪郭去盡名對文者有上下其字名奇品者

以至赤側當兩鵝眼鷄目四柱兩柱之類文皆五銖外逮龜茲疎勒亦倣此制諸譜載之甚備獨此未載滕子濟樞密嗜古嘗獲此錢號曰左右五銖錢計以意因之也

大元

貨泉

錢



李孝美曰此錢徑七分半重四銖其文土曰太下曰元右曰貨左曰泉太元則真書貨泉則小篆形製不甚佳

通行

泉寶通口泉

按此錢徑八分半重二銖七參銅質簡古字
舍八分體背文穿上有月形

錢

兩

銖

錢

續

銖

錢



顧烜曰劉氏錢志所載奇異稀有原始未聞



舊譜曰形製頗類五銖面文無肉郭其文右
曰續左曰銖


兩柱錢



隋書食貨志曰梁末又有兩柱錢及鵝眼錢

但兩柱重而鵝眼輕


女錢



權



對



隋書食貨志曰梁武帝鑄五銖錢又別鑄除其肉郭謂之女

錢又有五銖女錢太平百錢五銖稚錢五銖對文等號輕重

不一

五朱錢 定平錢 傳形半兩錢



顧烜曰徑七分半重三銖半文曰五朱源出
稚錢但稍遷異以銖為朱三吳屬縣行之亦
差少但稍遷異以銖為朱三吳屬縣行之




隋書食貨志曰梁武帝時百姓或私以古錢
交易有定平一百



字文坦明背面皆無輪郭徑八分重二銖一
參

太平百錢

太平



隋書食貨志曰梁武帝時百姓或私以古錢交易有太平百


錢

兩 嗇 錢



敦素曰嗇錢重四銖徑一寸三分微有外輪背面無好郭其
文篆字右曰兩左曰嗇形質大抵似半兩制作古異源流莫
知按禮記鄭元注云八兩為鉛據其輕重非如其文然左邊
之字不當為嗇但未識耳

文 錢




敦素曰徑寸五分重七銖中穿正圓內外並
無輪郭有如半兩之狀一面有字點畫甚纖
利

四 曲




舊譜曰形製類半兩肉好無輪郭面有四曲
文外向有二字右類文字左不可識

永 光 錢



徐氏曰文曰永光

五金錢大朝錢天鎮錢



徐氏日文曰五金 按此錢徑八分重三銖

六參字文明激





李孝美曰此錢徑寸五分重十五銖其文真

書曰大朝金合肉好背面皆有周郭 或云是外國鑄




李孝美曰此錢徑八分重四銖六黍文曰天鎮福寶背文有一黍字在穿上字體形製與石晉天福錢殊不相牟今世所見至多

萬歲錢





李孝美曰此錢徑寸二分重十三銖面文繆篆曰皇帝萬歲背文繆篆曰忠孝傳家

大興錢太千錢




李孝美曰此錢徑八分重四銖面文曰大興

平寶復有一丁字在背文穿上



曰此錢徑八分重三銖六參文曰太千通寶倒置通寶字千
字疑當作平歲久漫滅爾背文有一丁字在通字之背所作
字體肖大興平寶錢

天感錢古



按此錢文曰天感元寶大小二品字畫道勁

頃歲獲此尋逸之大小輕重莫詳疑外國所鑄


李孝美曰此錢徑寸一分重十銖面有兩字



不可識肉好背有周郭皆夷漫如牛兩狀

徑一寸重四銖五參背文夷漫面肉坦平微


錢文古



有輪郭頗類圖法

錢文古


三錢字千錢字太興錢



徑寸一分重三銖三參面背肉形皆平外無

周郭製作簡古字畫夷漫巨辨亦圖法別種

東子




李孝美曰此錢徑寸六分重十銖面文右邊

有一千字體如遼錢疑其同出而未得依據

肉好皆有周郭背文亦如半兩

董道曰文曰太興平寶疑五代僭偽之所鑄



黃河錢



舊唐書曰元和元年靈武臣樂奏黃河岸場

處得古錢三千三百其錢形小方孔三足





Vertical text columns on the right page, including a large vertical inscription on the left side of the seal area.

天品

天帝



錢

寶

錢

咸陽

雨錢




宗懍荆楚歲時記曰道書云牽牛娶織女天帝借二萬錢下禮久不還被驅在營室中

頂生經曰其王是漫陀多王頂上而生後為輪王以福力故天雨寶錢滿國皆富

任昉述異記曰周成王時咸陽雨錢終日不絕

絕

金五 銖錢



任昉述異記曰漢世潁川民家兩金五銖錢



白

刀布品

金



三品




前漢書食貨志曰武帝又造銀錫白金以為天用莫如龍地

用莫如馬人用莫如王故白金三品其一曰重八兩其文龍

名白撰直三千二曰以重差小方之其文馬直五百三曰復

小橢之其文王直二百

契 刀




前漢食貨志曰王莽造契刀其環如大錢身形如刀長二寸

文曰契刀五百

百自小布以上各相長一分相重一銖文各為其布名直各加一百上至大布長二寸四分重一兩而直千錢矣是為布貨十品

貨布



前漢食志貨曰王莽天鳳元年罷大小錢改作貨布長二寸五分廣一寸首長八分有奇廣八分其圖好徑二分半足枝長八分間廣二分其文右曰貨左曰布重二十五銖直貨泉二十五與貨泉並行


大黃

布刀



舊譜曰重七銖長二寸三分文曰大黃布刀張台曰此亦王莽所鑄文曰大黃布刀莽自吉黃虞之後大黃莽之自稱也

古刀布




更實寶泉志

管子曰先王用珠玉為上幣黃金為中幣刀布為下幣
李孝美曰按先王刀布文字制度書所不載然今世所有古
刀異布甚多豈非當時所用者乎舊譜別作品俱列于後


蒙城

古刀



宣和五年郭儼為亳州蒙城令村人得之田中柄端有方寸
七三字彷彿隸書背有方孔不透身形如刀文曰貨布五百
疑王莽所鑄

長平



古刀

舊譜曰天寶元年西河郡別駕李幼奇於長平溪澗中所得
狀如小刀長二寸四分濶五分柄長二寸濶四分柄端有孔
總長四寸七分背面俱有字不可識

沂州


銀刀



嘉祐雜志曰王公和學士罷沂州得銀刀一有齊大公杏九字九字中闕不相屬刀上又有隱起圓形疑是九府圖法也

平長

異布




舊譜曰亦幼奇所得也長寸一分下廣九分首長五寸廣五分向上漸濶無好足枝長四分間廣三分面文兩字類蠡斗書背有三道文不可識

異

布

異


布



舊譜曰長四寸一分上廣寸二分下廣寸五分首長六分廣寸好徑五分足枝長二寸二分間廣四分重十二銖狀如布面文四字背文兩字不可識


異

布



舊譜曰長二寸六分首廣寸六分肉亦訛足間首好無輪郭其正圖面文六字背文一字不可識

異布




舊譜曰長二寸四分上廣寸五分下廣寸七分首廣六分足間廣八分重八銖四傍有郭訛然亦無好面文七字縱橫不可識

異布





舊譜曰長二寸四分上廣寸五分下廣寸三分首廣六分足間廣五分重八銖無好及肉郭面文六字不可識

異布




異布




張台曰長寸六分肩廣八分首廣五分足間廣二分重六銖
背文如二字面文如日下安又字又兩畫長短不齊背文如
了傍加豎斜畫不辨為何代物

異布



張台曰長二寸一分肩廣寸三分首廣九分足枝長六分間
廣四分半重二十八銖面文四字有如二字者金邊安瓜者
山下安中者兩口相重者背文一字與面文右邊向上者同
形質朴厚不曾磨鑿



李孝美曰按此布長短廣狹輕重與上布相類面文六字亦
同但倒正相異復無背文耳


異

布

孝美

按

背心上弓日之




李孝美曰按此布長二寸上廣十二分下廣寸三分首長七

分廣七分足間廣五分正圖背面肉好皆有周郭面文六字

亦不可識

異


布



按此異布長二寸肩廣四分首廣六分半足枝長五分間廣

四分半重十三銖八參正圖背面肉好皆有周郭面文四字

異 布



按此異布長二寸二分肩廣四分半首廣八分足枝長五分

半間廣如之正圖重十六銖七參面文不可識


藕心錢
舊譜曰世有此錢其形四方狀如博棊長二寸面濶三分當



四稜皆上下通闕若藕挺中破其上有首形如秤槌鼻有孔號為藕心錢
立背
破面長

舊譜曰此錢其形上狹下廣背平面凸起七分下濶三分上


蟻鼻錢



銳處可濶一分重十二銖面有文如刻鏤不類字世謂之蟻

鼻錢

古布



舊譜曰咸通八年交海觀察鄭漢章奏百姓於野內掘得古銅片四千九百五十五片詔翰林驗云上有齊歸化三字按其形製及文篆外莫之覩亦古布流也

仙... 異... 詩

... 花... 詩



... 四... 年... 十... 二... 錢... 重... 三... 兩... 八... 分... 重... 三... 兩... 錢... 神... 四... 奇... 品... 舊... 譜... 曰... 肉... 好... 背... 面... 皆... 有... 周... 郭... 並... 作... 青... 龍... 白... 虎... 朱... 雀... 玄... 武... 之... 狀... 亦... 有... 一... 面... 者... 大... 者... 徑... 寸... 八... 分... 重... 三... 兩... 錢... 國... 萬... 錢... 神... 四... 奇... 品... 此... 錢... 徑... 寸... 六... 分... 重... 十... 三... 銖... 面... 文... 平... 地... 作... 水... 文... 一... 字... 類... 梵... 書... 不... 可... 識... 或... 云... 日... 字... 背... 文... 爲... 星... 官... 月... 兔... 雲... 鶴... 龜... 形... 可... 識... 或... 云... 日... 字... 背... 文... 爲... 星... 官... 月... 兔... 雲... 鶴... 龜... 形...

四奇神錢萬國錢



品

舊譜曰肉好背面皆有周郭並作青龍白虎朱雀玄武之狀亦有一面者大者徑寸八分重三兩



此錢徑寸六分重十三銖面文平地作水文一字類梵書不可識或云日字背文爲星官月兔雲鶴龜形

通鑑... 卷...

... 文...

龍文錢




敦素曰徑九分重三銖兩傍有文如日月
皆不可識制作肉好者如半兩

三雀錢



舊譜曰徑寸三分重十銖背面緣上皆作三雀銜花相面文
曰五行大布背文有野草閑花之狀

臺王 衣庫 錢




顧祖曰中王之錢臺王衣庫今有此錢徑四寸重八兩面文
曰中王之錢背文曰五銖七千

羅紋錢





翅紋錢



顧烜曰二錢臺至衣庫今有

北斗錢



舊譜面文曰大泉五十背為北斗之狀

軒轅錢



本小蘇北其正也


全世長存

顧烜曰今有此錢徑一寸重五銖面文為北斗軒轅之象背文為矛盾龍鳳之形謂之北斗星錢



柄文錢



日月錢




井文錢 雙五錢 雙十錢



顧烜曰五錢並奇異今世見有 按 顧氏所見異錢本七種此其五也

星月錢 四五錢 八星錢



奇異希有

按此錢顧烜所載四傍皆篆書五字董道謂之四五錢李孝美乃以五銖字上下之與舊說抵牾

顧烜曰三錢劉氏錢志所載並未見奇異稀 有原始未聞

鯨文錢



張台曰肉好背面皆有周郭一面有鯨魚宛轉之文

兔犬錢



舊譜曰此錢形甚瑰麗面作兔犬之文上兔下犬而無文字

明月錢



徐氏曰此錢文曰明月

龜背錢



顧烜曰四文龜背錢今有此錢徑一寸重六銖文曰太平百

錢背文隱起為龜形舊譜曰龜背文錢

水波

紋錢




顧烜曰太平四文錢背有水波紋者三種並徑一寸重六銖
文曰太平百錢大體類前之太平興寶但製作微為瓌壯而
背有波紋耳今世往往有之莫知其始

雙星錢



李孝美曰此錢徑寸一分重五銖面文肉郭

元武錢



李孝美曰此錢徑寸二分重八銖文永通萬國背文為元武

星劍之象

千秋錢



李孝美曰徑寸九分重二十四銖面文曰千秋萬歲背文為

龍鳳之象

龍鳳

重輪

錢



按此錢徑寸三分重七銖二參背文重輪肉形渾厚面文篆

書永通泉貨背為龍鳳盤繞之象

鳳錢



按此錢徑寸二分重六銖輪郭重厚面文為

雙鳳翔舞之狀

雙魚錢



按此錢徑九分重四銖五參面文為龍鳳盤繞之形背文雙

魚相向

四事錢



按此錢徑九分重三銖六參面文二人相向

一立一坐上有飛禽下一走犬背文東漫

雙面

龍鳳

錢



余按此錢徑九分重三銖九參面文為龍鳳


之象背文夷平

龍鳳錢



李孝美曰此錢徑寸重七銖面文有肉郭為龍鳳之形背文夷漫而為雙鶴鴻鵠盤繞之狀其文皆隱起

藕心錢



漸效圖漸去又以木盤蒸谷亦也

四種其一長一寸二分濶九分重一兩二錢無銘其二長一

寸一分濶七分重一兩三錢無銘其三長一寸三分濶七分


重一兩二錢無銘其四長一寸三分濶三分重二錢有半無

銘

鏡

影

錢



洞冥記曰漢武帝昇望月臺時瞑望南端有三青鴨宿臺端
日色已暗青鴨化為三小童皆青綺文襦各握鯨文大錢五
枚置帝几前身上影動名輕影錢


清 水 錢



洽聞記曰晉義熙十二載清陽縣群童子浴
於清水忽見側有錢出如流沙因競取之手
滿放隨流去又以衣盛裹各有所得

會稽

船錢



宋書五行志曰晉海西太和中會稽山陰縣起倉鑿地得兩
大船錢錢皆輪文大形鑿者馳以告官官夜遣防守甚嚴至
明失錢所在唯有船存

青溪

宅錢



南史齊本紀曰世祖於其住堂內得異錢文
為北斗星雙刀雙旗及有人形帶劍

何覽


大平錢



南齊祥瑞志曰世祖治益城又得大錢文

齊興

郡錢



南齊祥瑞志曰永明七年齊興太守劉元寶治郡城於塹中獲錢百萬形極大以獻世祖班賜朝臣以下各有差

齊安

郡錢



南齊祥瑞志曰永明十年齊安郡民王攝掘地得四文九錢一為二十七百十枚品製如

令公


百爐



邱悅三國典略曰西魏大統九年正月東魏有雀銜永安錢置渤海王高歡家歡世子澄乃令百爐別鑄此錢鄴中號令公百爐錢

廣宗

郡錢



三國典略曰北齊文宣帝天保元年正月卽位十月廣宗郡獻瑞錢文曰歸于聖帝

偽


趙錢



晉書載記石勒傳曰泰始中建德校尉王和掘得一鼎容四斗中有大錢三十文曰百當千千當萬因此令公私行錢

便覽寶笈

軒轅錢 孫先先生錢



令狐澄大中遺事曰軒轅先生居羅浮山唐

羅浮山

宣宗召入禁中以桐竹葉滿手按成錢

湘山野錄曰成都高僧誦法華經有功忽一



山僕至寺言先生來晨請師誦經聽罷齋以

秋飯一孟杞菊數甌食訖施觀一錢因問僕

先生何人曰孫思邈僧大駭視觀資乃金錢

一百皆良金也中五六金一半尚鐵

桐城錢 白雀錢 壽春錢






徐鉉稽神錄曰壬子歲桐城雙巷有回風卷錢經市而過市人隨攫其錢以衣襟貯之歸視與錢無異而十亡七八

稽神錄曰徐仲寶所居道南有大枯樹於其下沙中獲錢百餘積年凡得數十萬復於厨側鼠穴中掘之深數尺有一白雀飛出其下獲錢至百萬

又曰壽春人曹真出行野外忽見坡下有數十錢自遠而來飛聲如鈴真逐之入一小穴以手掬之得數十文

仿賢寶泉

應元錢 北海鐵錢



沈括筆談曰廬山太平觀元豐二年道士發

地得一餅封鑄甚固破之有一銅錢文有應

元保運四字元豐四年忽有詔進號九天採

訪使者為應元保運真君與錢文符同本觀


乃以其錢表獻之

金華子曰北海縣中門中有地隱起若小堆


阜一縣宰令平之得小鐵錢不明叙時代其

錢大小如五銖

嚴君平錢



科斗錢



鷺口

河錢



趙忬成都記云嚴真觀漢嚴君平宅也內有

井名曰通仙有人淘井得銅錢三文徑可二

寸或曰此君平擲卦錢也

又云唐李帥泰理第於錦浦里於其堂北鑿

地五六尺得金錢數十枚各重十七八銖徑

一十七八分圓而無孔去緣二分有隱起規

規內面各科斗書廿一字其緣甚薄有刃焉

樂史總仙記曰皇朝淳化元年昇州奏二月

十五日友忽有雷聲茅山鷺口洞宮石開二

尺裏面得銅鐵錢三十一文

永安

五男

錢



舊譜曰徑二寸三分重十八銖厚一分上下輪郭之間皆作

粟文兩上四出文文曰永安五男背作四神之狀又有日月

相對者

七


夕

錢



舊譜曰徑寸四分重十三銖肉好背面皆有周郭文為牽牛織女相對形穿上為花穿下為草製甚古質

吉慶錢



舊譜曰徑寸二分半重十銖肉好背面皆有周郭亦有徑寸

四分重十八銖者文曰五男二女三公九卿好郭邊作連珠

文於外分為八分若箕形其二三五九皆作大字

撒

帳

錢



舊譜曰徑寸重六銖肉好背面皆有月郭其形五出
之文曰長命守富貴背面皆為五出文若角錢狀景龍中中
宗出降睿宗女荆山公主特鑄此錢用以撒帳勅近臣及修
文館學士拾錢其銀錢則散貯絹中金錢每十文即繫一綵
條學士皆作却扇詩

男錢



舊譜曰徑寸重四銖懸針書文曰布泉世人
謂之男錢言佩之則生男也此錢余前過萬
安街曾見

辟兵錢



舊譜曰徑八分重二銖背有月郭又有兩重方穿之中
更有小穿邪正安之款若八角然其文一面曰去殃除凶一
面曰辟兵莫當皆篆字式間有八柱郭外仍有小柄

千金錢



何覽寶身布

舊譜曰形製輕重類辟兵錢其文一面曰長毋相忘一面曰

日入千金錢間亦有柱

豐

舊譜曰徑八分重一銖五黍面文有四字皆




錢

科斗書其可識者豐樂肉好背面皆有周郭

君宜

舊譜曰此錢徑寸重如其文有六字曰君


侯王



錢

郭形製與漢五銖同而不甚精妙

長



年

舊譜曰徑七分欵文曰長年太寶


富



晉書石勒載記曰勒鑄豐貨錢

五男

二女



錢

李老夫曰此錢徑七分厚一分半重十銖背

面有字皆曰五男二女



更覽寶身布

天下

太平

錢二

品



李孝美曰此二錢大小不等面文皆曰天下太平背文並隱起大者徑寸重六銖為持挺人傍有躍龍之狀而平地作水文小者徑八分重五銖為五男二女戲弄之象而平地作毬路文疑亦厭勝之流也




БИБЛИОТЕКА

7, ВЭНЬ ЦЗИНЬ ЦЗЕ


ПЕКИН/КИТАЙ

СНР.



О Т П Р А В И Т Е Л Ъ
М Е Ж Д У Н А Р О Д Н О Г О П О Ч Т А М Т - М О С К В А





1 | 2 | 3 | 4 | 5 | 6 | 7 | 8 | 9 | 10 | 11 | 12 | 13 | 14 | 15 | 16 | 17 | 18 | 19 | 20 | 21 | 22 | 23 | 24 | 25 | 26 | 27 | 28 | 29 | 30 | 31 | 32 | 33

Centimetres

Kodak Color Control Patches

© Kodak, 2007 TM: Kodak

Blue

Cyan

Green

Yellow

Red

Magenta

White

3/Color

Black

